



重修東明縣誌序



邑有誌本禹貢而作也上古漆
書籀文言多簡畧至夏而文明
漸啟故禹貢所識者曰厥貢某
某而土壤田賦往往繫焉詩三
百篇首自二南暨邠鄘十五國

序一

多言風俗山川人物亦時時散
見之周官得其意有職方氏保
障氏之司孔子作春秋編年紀
事而列國之變異災祥書無遺
佚洎嬴秦變封建爲郡縣戶口
阨塞藏諸故府沛公入關蕭何

盡收圖籍以周知天下道里武帝拓郡二十八俾成輿圖以誇强大司馬遷作史記獨書河渠而餘多不及即班固地理志亦僅序其沿革分野而已明英宗詔天下輯一統志自遼古以及

序二

近代仕途以及隱逸山川以及巖壑風俗以及土產罔不畢具而天文之與地畝又皆闕然未備是先代之史書或此畧而彼詳或此全而彼漏求其詳悉而全備者莫誌書若甚矣誌書之

不可不作也東明於荒唐遐哉
不可攷已 在周屬衛戰國屬魏
秦漢屬陳留宋乾德屬開封金
屬曹州元屬大名至元間又屬
開州明洪武初置邑於雲臺集
尋以滄廢分屬開州長垣弘治

序三

四年始建今縣隸大名版籍蓋
代殊而統亦殊也初曰漆繼曰
寃句曰東昏改曰東明世異而
名亦異也嘉靖丙申陳留高公
掾知邑事廼作誌越六十餘年
蒲城常公澄丹蘄之惜乎剗刷

未成耳厥後李公遇知修於萬曆之末年張公福臻補於天啟之癸亥鼎革來張公學知又纂綴焉煌煌乎一邑之文獻也今天子下令俾各州縣修誌書備採覽斯亦太史陳詩以觀民風之

序四

義乎予奉 上檄乃延紳士集廣文諮議群謀會商眾聽從予而折衷之予受事弗敢玩且念三十年來生齒日繁民俗丕變如司土之陞遷士子之登雋以迄創造改觀營屯歸籍靡不

勉續貂句磨字刮恐以靴訛亥
豕而滋疑貳至於地形之增圖
東西朔南之界燦若觀星矣編
次之改訂天地人物之類劃若
指掌矣集成區爲八卷付諸梓
氏其各類之弁謬爲臆說不過

序五

以管窺之誠發諸言論宣聖曰
知我罪我又安計及哉昔

康熙壬子冬一陽生日

賜進士文林郎知東明縣事黎陽
楊日升題

重修縣志序

夫郡國志猶史也載山川城郭
職官人物以迄風俗錢穀祀戎
之事淳澆興革利弊盛衰之故
爲可法可鑒而使司政者權緩
急輕重而布置之興甚鉅也邑

盧序一

志之在前朝數經名人鉅筆稱
大觀焉

國家定鼎以來近三十年文教聿
興而邑志未有成書向雖草創
一二葉率未備也我

邑侯楊集虛父母來官茲土百

廢具舉而顧闕於茲書每於士大夫諮之未嘗晷刻忘也會

道憲孔公祖 郡伯周公祖以憲檄末屬遂開局於公延邑國學生袁子庠生梁景董段四子分曹執筆而以余偕清源戴君

盧序二

叅末議焉乃同王君學博與邑紳率諸父老朝夕聚議矢公且慎勿濫勿疎閱兩月而成帙以請諸公公手自刪定劑酌而潤色之分門別類各以鴻辭碩議綴其後俾覽者清若列眉而洞

如觀火緩急輕重布置之則靡
弗畢備誠萬世之龜鑑彬彬然
不朽之業也書成會

今上從輔臣議徵郡國史修大一
統志公其執牛耳者矣而屬序
于余爰識其實如此猗歟休哉

盧序三

竊幸余之得附青雲而千里也
謹題之于簡帙

康熙壬子仲冬之吉

賜進士出身工部虞衡清吏司主
事邑人盧毓粹拜撰

重修東明縣志序

志也者固編年紀事之書也而磨世勵俗之大權出乎其中故事不惟其名惟其實詞不惟其工惟其直不然踵事增華雖美弗傳是以子輿氏有盡信書不

戴序一

如無書之嘆漆志如前諸序詳矣無容多贅今

上御極之十年從輔臣請命海內修郡邑志所以大一統觀風俗興教化也猗興休哉厥興甚盛邑侯楊公承上檄專纂修

之任公以江右名進士負上下
千古之識挾網羅百氏之才不
難獨出手眼勒爲不刊之典型
乃不自滿假廣思集益延邑士
之文學卓越者操筆以從俾學
博王君雨若邑紳冬部盧君含

戴序二

美分董其事余不佞亦得與聞
閱三月而書成凡三十年間河
海桑田疆域建置不無變遷也
志其興廢所由來魴魚鴻雁政
治民風不無改移也考其因革
所自起官師選舉之遞新文章

經濟如在也有善必錄忠孝節
義之間出懿行淑德非偶也寧
嚴勿濫戶口田賦因時酌定務
求得當可爲撫綏斯民者之前
籌如他諸記誤述披拾悉有依
據若出於耳耳目目之外者率

戴序三

皆屏去不取要之事該而典確
辭達而體正期與左國司馬之
旨相符云爾是役也搜緝靡遺
分曹修飾共襄厥事者則袁君
杜少梁君君實景君康海董君
芊白段君公含也若夫潤色裁

定識記垂憲我侯楊公實總其
成焉余不佞碌碌因人又安敢
竄入諸君子著作之林乎雖然
余竊幸矣太史公曰間巷之士
欲砥節立名非附青雲之士惡
能施於後世因忘固陋漫敷卮

戴序四

言付之梓以俟後之覽斯志者
知今日亦有余不佞其人也余
竊幸矣余竊幸矣

昔

康熙十二年花月吉日

賜進士文林郎原任清源縣知縣

邑人戴元讓

戴序五

續修東明縣誌序

東明古天雄之屬邑也宋以後
隸大名路天雄為河朔巨鎮燕
趙恃為屏蔽朱梁沙陀之所構
爭大名為宋人捍禦契丹之要
疆故其風俗獷悍尚勇喜鬪爭

序一

而東明東連曹濮陶單南逼祥
考蘭儀地不一省省不一縣又
與開州長滑時合時分最易藏
奸匿匪而黃河由龍門砥柱下
趨兗豫之平壤東明實當其衝
一有潰決則村堡悉為巨浸城

郭亦傾圯可虞予以菲才來蒞
茲土首詢河患無高山大陵爲
之闕格洪濤出沒濟水濮河交
會之以助其衝激之勢而漢時
之金堤汴渠昔已破壞今皆有
名無實至其風俗雖樸雅慕善

序二

之舊猶有存者而尚果敢好爭
訟餘風未殄予亟求所以整齊
化導之而未得其術因將高楊
諸公所修之縣誌觀之見其首
誌堤防自護城堤而外若孟華
杜勝諸堤堰東西綿亘而長堤

至數百里如岡如陵交相密護
而河不為患蓋昔人築堤障河
之功其勤至矣然後知河患可
平而後人之增修補築為不可
緩也再考其人物則昔賢如閔
子騫公西華皆邑人也後若吳

序三

祐之仁心劉昆之異政卞壺之
父子殉節劉晏之轉運鹽鐵張
齊賢之平章政事彪炳史策亦
皆邑人也至若濟陽宮之篤生
光武李道姑之誕育仁宗張留
侯辟穀之地戶牖侯分肉之鄉